



ELOSEGI ETXABE familia

IARTZETA Olaeta auzoko baserria da. Bere inguruko baso eta soro izenen artean ditugu *Etxaburu*, *Beko soro*, *Leña putzu*, *Pagoeta*.

Etxejabeak dira Elosegitarrak. Etxerainoko bidea 1972 inguruan egin zuten. Ordura arte *Bentaberri*tik gora dauden harpasoetatik ibiltzen ziren eta elizara joateko ordu erdiko bidea egin behar izaten zuten oinez.

Berrogeita bost bat urte dira ukuilu berria egin zutela baserritik aparte, eta baserria, berriz, duela hogeita hamar bat urte berritu zuten.

Joxe Antonio Elosgi, baserriko semea, *Zulota* baserriko Ximona Belokirekin ezkondu zen eta zazpi seme-alaba izan zituzten: Iñaxio, Joan, Raimundo, Maria, Juxto, Miel eta Prantxika.

Bizimodua baserritik ateratzen zuten arren, aita Joxe Antoniok eta seme Mielek Fabrika Handian egiten zuten lan.

Hurrengo hazaldian Iñaxio Elosgi, semea, *Auntxita* baserriko Miren Etxaberekin ezkondu zen 1948ko apirilaren 17an. Zaldibiko elizan ezkondu eta *Joankruze*-ne tabernan egin zuten bazkaria.

Ezkondu zirenean, etxeko aita, ama eta Iñaxioren bi anaiarekin, Raimundo eta Mielekin, jarri ziren bizi izaten. Miel bertan bizi izan zen hil arte.

Iñaxiok eta Mirenek sei seme-alaba izan zituzten: Joxe Antonio, Mari Karmen, Joan, Roman, Lurdes eta Jabier.

Baserrian behiak, txerriak, txekorrak, idiak, konjuak eta oiloak izaten zituzten. Baratzeta ere lantzen zuten, patata, babarruna, barazkiak... jaki gehienak etxean jateko izaten ziren.

Aita Iñaxio ganadu tratantea zen. Behiak, txekorrak eta idiak ibiltzen zituen, baina batik bat idiak zituen gustuko.

Seme-alabak Zaldibiko eskolara joaten ziren *Bentaberri*ko harpasoetatik barrena. Ordu erdiko bidea zuten oinez, eta kalean bizi ziren Joan eta Kontxita osaba-izeben etxean bazkaltzen zuten.

Informazio emaila: Mari Karmen Elosgi


Pasadizoak

Lastozko linternak

Aitona Joxe Antoniok Fabrika Handian egiten zuen lan, eta iloba Mari Karmenek gogoan du nola goizean goiz jaikitzen zen, ttanttana (anixa) ogi koxkorrekin hartu, gosari moduan, lasto luze batzuk piztu bidean argi egiteko eta joaten zen lanera. Aurrena lasterbidetik barrena Teleitxo base-riraino oinez, han bizikleta hartu eta Beasaina.



Miren Etxabe (ama) eta Iñaxio Elosegi (aita), ezkontza egunean. 1948



Joxe Antonio Elosegi (aitona), Ximona Beloki (amona) eta Joxe Antonio Elosegi biloba "Che".



Joan, Roman / Lurdes, Jabier / Karmen eta Joxe Antonio "Che" anai-arrebak.